

2019

AÑA DI FAMIA Y
DI CUIDO DI NOS
MUCHANAN

ISLA(•)NLINE

Diabierna 9 Augustus 2019

Email: prensa@arubagovernment.aw Tel: 528-4900



GOBIERNO DI ARUBA

AUGUSTUS
2019

UN ISLA
NOS PARAISO

ISLA ONLINE

NOTICIA DI GOBIERNO



MINISTER EVELYN WEVER-CROES

PROME MINISTER DI ARUBA

RESUMEN DI SIMAN DI PREMIER EVELYN WEVER-CROES 4 AUG - 9 AUG 2019



E siman aki Gobierno di Aruba a haya e bon noticia cu Standard & Poor's a cambia e rating di Aruba di negativo pa stabiel. Esaki basa riba e hecho cu Standard & Poor's tin confiansa den e maneho di Gabinete Wever-Croes. "Esaki no ta un logro cu a cay for di cielo. E ta un logro danki na trabou duro y sacrificio di henter nos pueblo".



Premier Evelyn Wever-Croes a reuni cu representantenan di UNDP, sr. Akopyan y sra. Ali-Abdullah riba diferente proyecto di Innovacion y con UNDP por yuda nos cu cu fondo. E reunion aki a tuma luga na oficina di Futura unda cu nan por a mira parti di e Innovation Camp. Nan a keda impresiona di e camp. Pabien na henter e team di Futura cu e exitoso Innovation camp.

Aruba ta bai vota sigiente eleccion DIGITAL #Innovation

E maneho di Gabinete Wever-Croes ta pa pone innovacion como un punto di salida pa garantiza integridad y transparencia. Den e esfuersonan pa logra e-Government y digitalisacion, Consejo di Minister a tuma e decision pa Aruba tambe bay over na votacion electronico ya pa e siguiente eleccion, mientras ta mantene un paper trail. Censo lo ta encarga cu e proyecto importante aki.

Banda di crecimiento di turismo, nos economia tambe ta creciendo. Pa e aña aki, IMF ta premira crecimiento economico di 2.4% y pa otro aña nan ta premira crecimiento di 3%. E crecimiento aki, Prome Minister ta indica cu ta debi na e esfuersonan di Gabinete Wever-Croes pa desaroya nos economia.



Premier Wever-Croes ta desea cada un estudiante cu a bay studia dwn exterior hopi exito den nan estudio na Hulanda y otro paisnan. "Entrega boso maximo esfuerso pa logra boso meta di caba cu boso estudio y bira profesionalnan. E deseo di Aruba y di mi ta keda cu pronto boso por bin bek y yuda Aruba desaroya nos economia y te hasta goberna nos pais", tawata palabranan cu Premier Wever-Croes a expresa.

Prome Minister Evelyn Wever-Croes: **VOTACION ELECTRONICO TA GARANTISA TRANSPARENCIA Y INTEGRIDAD**

E maneho di Gabinete Wever-Croes pa pone innovacion como un punto di salida pa garanisa integridad y transparencia poco poco ta birando realidad. Den esfuerso pa logra e-Government y digitalisacion, Consejo di Minister a tuma e decision pa Aruba tambe bay over na votacion digital Y electronico ya pa e siguiente eleccion.

Cu Votacion Electronico lo no vota cu un formulario y potlood cora mas sino lo vota den un mashin di votacion electronico. Manera cu bo yena bo voto den e mashin, esaki lo wordo registra y di biaha lo bo ricibi e recibo di bo voto cu lo bo deposita e ora den e buzón cu tin den e stembureau y asina tur ciudadano ta cumpli cu su votacion manera semper.

Manera semper, e pueblo votado lo ricibi su stemkaart na cas, dia di votacion e ta bay na e stembureau unda cu e a wordo indica pa vota. Lo wordo controla si su documentonan ta na ordu, y despues e ta drenta den un hoki y ta haci su votacion den un mashin di votacion electronico. E mashin ta saca su recibo di voto cua e votador ta deposita den un buzón pa conteo manual. E unico cu a cambia ta e introduccion di mashin di votacion electronico na luga di e formulario y potlood cora.

Prome Minister Evelyn Wever-Croes a duna di conoce cu votacion electronico ta garantisa transparencia y integridad den nos sistema di votacion. Tambe votacion electronico lo elimina e posibilidad di votonan invalido contrario na votacion cu nos conoce, si e ronchi no wordo yena bon of si a scrap riba e formulario of yena mas di un ronchi, e ta bira un voto invalido.

Gobierno a mira tambe importante pa grantisa transparencia y integridad pa hunto cu votacion electronico, introduci e 'paper trail', cu ta e sistema cu ta permiti cu e mashin di votacion electronico pa registra cada voto y entrega di biaha e recibo di voto na cada votado como prueba di loke a vota. Recibo cu, despues



cu e votado controla cu ta cuadra cu loke cu el a vota, e mester deposita esaki den e buzón. Ora cu votacion cera, lo haya sa e resultado electoral hopi mas lihe. Pero lo haci tambe e conteo manual di e recibonan di e buzónnan pa controla y verifica cu esaki ta cuadra cu e votacion electronico. Tanto e votacion electronico como e recibo di e votacion, ta keda den secrecia di e votado.

E sistema electronico di votacion no ta un sistema complica. Nos grandinan lo por traha facil cu ne, y tambe tin e posibilidad pa haya asistencia di un persona di su confiansa si en caso di berdad e no por riba su mes.

Votacion electronico no ta votacion via internet cu ta un paso hopi adelanta cu masha poco pais ta uzando. Estonia den e caso aki, ta haci votacion via internet y ta un di e poconan den Europa cu ta haci uzo di e posibilidad aki. Gobierno di Aruba kier trece un sistema mas husto y transparente, y esaki por logra cu votacion electronico.

Prome Minister a enfatisa cu votacion electronico ta cana los for di politica. E ta completamente den man di Censo hunto cu un comision independiente kendenan ta trahando pa logra realisa e proyecto aki pa e siguiente eleccion

electoral na Aruba. Lo no tin infiltracion di niun Partido politico. Gobierno tambe ta para un banda y laga expertonan riba e tereno aki haci nan trabou dunando asina e confiansa na pueblo cu esaki ta e miho sistema pa garantisa integridad y transparencia. Pronto Censo lo cuminsa cu un campaña di informacion tocante henter e proceso di votacion electronico.

"Votacion electronico, ta hiba nos un paso padilanti den loke ta trata automatizacion y ta trece transparencia den henter e proceso di votacion. E ta un sistema mas husto y integro. Pa e motibo aki, mi kier a sigura comunidad di Aruba cu no tin mester di tin niun temor ni resistencia pa e paso aki. Votacion digital y electronico ta pas den e vision di innovacion di Gabinete Wever-Croes cu tin prioridad halto riba nos agenda cu ta dirigi pa prepara nos generacionnan nos dilanti pa futuro den un manera sostenibel y duradero", Prome Minister Evelyn Wever-Croes a duna di conoce.

Prome Minister a gradici Censo y a expresa su elegio y orguyo pa e forma con Censo ta atende cu digitalisacion y votacion electronico ta parti di esaki poniendo Aruba riba e caminda pa un miho futuro y brinda nos hobennan mas oportunidad.


 A portrait of Minister Otmar Oduber, a man with a shaved head wearing a purple button-down shirt, smiling. The background is white with blue and yellow geometric shapes on the left.

MINISTER OTMAR ODUBER

MINISTER di Desaroyo Teritorial, Infraestructura y Medio Ambiente

Pa actualisa lista di peticionnan di ‘uitbreiding’ y ‘erfpacht’ COMUNIDAD TIN E OPORTUNIDAD TE CU 16 DI AUGUSTUS PA REINSCRIBI PETICIONNAN DI ‘UITBREIDING’ Y ‘ERFPACHT’ NA DIP



Durante un conferencia di prensa, sr. Ronnie Maduro a splica cu DIP tin mas o menos 22 producto, pa cual lamentablemente esakinan no ta ‘up to date’, pues tin peticionan entrega pa hopi aña, cu no a wordo atendi cu nan. A base di esey, a tuma e decision alabes reconociendo derecho di ciudadanonan pa percura pa nan peticionnan wordo contesta, pa actualisa e peticionnan aki. Comunidad por a tuma nota di e exito cu tin cu actualisacion di e lista di pre reservacion di tereno, awo ta turno di e partinan di expansion di tereno, erfpacht caduca y erfpacht comercial.

Maneho di Ministerio di Desaroyo Teritorial, Infraestructura y Medio Ambiente ta enfoca riba transparencia poniendo e ser humano central. Directie Infrastructuur en Planning (DIP) tambe ta sigui un maneho dunando oportunidad igual y husto na tur ciudadano. Den cuadro di esaki a inicia cu e proceso dialuna ultimo pa locual ta trata e actualisacion di e lista di peticion di ‘uitbreiding

y erfpacht. Mester bisa cu pueblo a reaciona riba e peticion pa pasa na DIP y ta cumpliendo cu tur e rekesitonan cu ta wordo pidi. Corda cu e accion ta valido te cu 16 di augustus 2019, pa asina actualisa peticionnan cu tin hopi tempo den sistema.

Actualmente tin mas o menos 2000 hende cu desde 1999 bin dilanti a entrega peticion pa expansion. Mayoria biaha ora cu un hende entrega peticion pa expansion, esaki no ta pa mucho tereno, kisas espacio pa un camber extra of un garashi, sr. Ronnie Maduro bisa. Teniendo esaki na cuenta, a manda carta pa e grupo di personanan aki, informandonan cu nan por pasa entre 5 di augustus y 16 di augustus na DIP, pa reinscribi nan peticion cu nan kier e expansion. Unabes confirma cu nan ta interesa den e expansion ainda y nan paga pa esaki, DIP lo por mandanan midi na Kadaster pa despues di 3 luna nan por haya e expansion, sr. Ronnie a splica.

Ministerio ta para pa un maneho integro y transparente MINISTERIO TA ENFATIZA CU NI SEÑOR MORALES, NI SEÑOR CORONA TA TRAHA PA GOBIERNO Y NO TIN NINGUN VINCULO DI TRABAO CU AMBOS PERSONA

Ministerio di Desaroyo Teritorial, Infraestructura y Medio Ambiente a tuma nota di un denuncia publico haci pa un ciudadano cu fam Morales, cu lo ta indica cu tin actonan irregular cu su persona lo a encontra su mes aden cu un otro ciudadano di fam Corona.

Ministerio ta enfatiza cu ni señor Morales, ni señor Corona ta traha pa gobierno y no tin ningun vinculo di trabao cu ambos persona. Por lo tanto ministerio ta distancia su mes totalmente di dicho acusacionnan y ta conseha ambos ciudadano pa acudi na e instancianan concerni pa entrega nan keho contra otro.

Na un forma hopi categorico kier subraya cu Ministerio di Desaroyo Teritorial, Infraestructura y Medio Ambiente nota apoya actonan inpugna cu e maneho publica y of leynan existente. E ministerio completo, incluyendo su departamentonan, ta para pa un maneho integro y transparente.



A TRAVES DI CONSEHO Y RECOMENDACIONNAN DNM A PARTICIPA COMO PARTI DJE SOLUCION PA YEGA NA MIHOR MANEHO DI DESPERDICIO NA ARUBA

Den cuadro di e maneho di Ministerio di Desaroyo Teritorial, Infraestructura y Medio Ambiente, pa yega na un solucion pa mihor maneho di desperdicio na Aruba. A insitui un Taskforce cu ta consisti di diferente departamento, pa yega na planificacion di corto, medio y largo plaso pa atende cu e problematica aki. Departamento di Naturalesa y Medio Ambiente (DNM) como parti di e Taskforce a participa activamente door di duna conseho y recomendacion na Minister encarga den e proceso aki.

Pa yega na un solucion pa e dump Parkietenbos, a traves di resultado di un Request For Information (RFI) cu a tuma luga, a sali na cla cu mayoria di compania cu a bin cu propuesta pa e metodologia pa soluciona e problema di desperdicio aki na Aruba, ta den direccion di 'waste to energy'. Director di DNM Gisbert Boekhoudt a splica cu riba peticion di Minister a traha riba un 'spoed advies' pa e situacion, pa cual a duna conseho a termino corto, medio y largo.

Un di e recomendacionnan na Minister tabata sigur pa bay den direccion circular, cual por mira cu ta un tendencia internacional tambe. E concepto circular no ta wordo considera na e parti final di e producto solamente, sino cu na comienso caba ta percura pa e producto no bira sushi. Pero unabes cu tin sushi e prioridad



ta bay na percura pa e no resulta riba un landfill, pero cu e por wordo procesa y bay bek riba Mercado.

Manera menciona, for di e RFI a sali recomendacionnan pa bay den direccion di un waste to energy facility, naturalmente percurando pa parti limpi di e gas cu ta sali for di e planta. Pa percura pa e salud di e ser humano atraves di un medio ambiente limpi.



MINISTER XIOMARA RUIZ-MADURO

MINISTER di Finansa, Asuntonan Economico y Cultura

HOBENNAN TA BULA DI ALEGRIA!

Diadomingo awor, dia 11 di augustus, cuminsando pa 6.30 pm, nos lo presenta e Final di e proyecto den cooperacion DDD & GDA 2019. Entrada completamente gratis.

Busca boso caarchi di entrada, mesun dia na entrada di teatro y of cerca tur participante; Unoca Aruba, Scol Di Arte San Nicolas, Cas Di Cultura, Cas di Cultura - Aruba's Cultural Platform since 1958.

Projecto den cooperacion, presenta pa Dream, Dare, Do - Aruba & Gang di Arte Aruba. Departamento Di Cultura Aruba & POPCORN CLUB & DANCERS ARUBA, Auspicio pa Ministerio di Cultura Aruba y sosten di Unoca Aruba, Scol Di Arte San Nicolas. C.C. Freddy Tromp, Julie Merencia, Stan Dabian PR DCA.




10 AUGUSTUS 2019

DIA NACIONAL DI ECUADOR

Pabien Ecuador cu 210 año di Independencia.



Minister di Finansa,
Asuntonan Economico y Cultura
mr. Xiomara Ruiz - Maduro

The poster features a vibrant orange background with a film strip motif. A large, stylized logo in the center consists of a shield with a blue 'A' and a green 'D' intertwined. Above the logo, the text 'Gang di Arte' is written in a white, bubbly font. Below the logo, the phrase 'Dream, Dare, Do!' is displayed in blue, green, and orange. The bottom section of the poster, set against a black background, contains the event details in white and blue text. Decorative elements include film reels, a clapperboard, and a bucket of popcorn.

Gang di Arte

Dream, Dare, Do!

TEMA OFICIAL:
MOVIES & MUSICAL - ACTION

GRANDIOSO FINAL: CAS DI CULTURA ARUBA
11 AUGUSTUS 2019
6.30 PM - 9.00 PM
ENTRADA GRATIS


MINISTER GLENBERT F. CROES
MINISTER di Asunto Social y Labor

COSNAN CU KISAS BO TA HACI OR ABO TA DEN DEPRECIION

Drs. Marisol Krosendijk, Psicologo NIP-DAS



Departamento di Asunto Social

Ora bo ta den depresion bo ta pasa den yen cosnan cu pa otro nan ta dificil pa comprende. Hopi biaha esunnan cu a yega di pasa tambe den locual abo ta pasa, of ta pasando aden so tin comprension pa locual bo por ta sinti. Door di esaki bo ta haya bo mas lihe mas cerca di hendenan cu en realidad ta comprende bo, cu a yega di sinti y pasa en realidad den locual bo ta pasando. Pa un hende depresivo, e ta mas dificil ainda paso nan ta realiza cu poco ta comprende nan y esaki por conduci na mas isolacion, cual no ta yuda tampoco. Kico tur bo por reconoce ora bo ta den depresion?

Bo ta sinti demotiva pa finalisa cosnan.

E concepto robes tocante depresion ta cu semper e ta encera yen di yoramento. Pero pa algun hende e ta sinti manera un ausencia di emocion. Depresion no ta simplemente tristesa. E ta un sentimento bashi y teribel, manera bo paden a wordo saca y bo tin cu constantemente pone un mascara. E bashi ta haci'e dificil pa logra cosnan paso bo cerebro ta bisa: Tanto bal... Ki sentido e tin?

Bo no ta responde na textonan manera bo lo haci or abo ta sinti bon.

Bo ta aleha di relacionnan y no solamente esunnan romantico. Bo no sa con pa splica un hende kico ta pasando sin haci

nan dolor (Bo ta haya bo ta bisa cosnan na otro nan manera: "E no ta abo, den serio, ta ami, mi ta depresivo"). Bo ta drumi hopi.

Bo no ta drumi ora mester.

Hende cu tin depresion tambe ta sufri di insomnio. Henter ora bo ta cansa y bo ta drumi frecuentemente. Tin biaha ta paso bo ta cansa y tin biaha ta paso drumi ta e unico cos cu bo por haci.

Bo ta rechasa oportunidadnan cu bo berdaderamente kier.

Bo ta cancela plannan social. Bo no ta sigui riba un oportunidad pa trabou cu bo tawata desea. Bo ta sconde, maske bo tawata desea di no haci esaki. Parti di bo ta sinti cu bo no merece, cu bo ta indigna. E otro parti di bo ta sinti manera bo lo haya un manera pa dañá tur cos, asina ta miho cu mi djis bisa no.

Bo lo haya maneranan pa auto-medica.

Akinan e cos, auto-medicacion no semper tin di haber cu alcohol of droga. Tin biaha wak un show riba Netflix pa oranan, ta un scapatorio pa bo. Bo sa cu e ta algo cu bo ta depende di dje, algo cu bo ta uza di mas, e ta un adicion. Bo sa cu e no ta e miho manera pa deal cu bo malestar, pero tin biaha bo djis mester algo pa pasa door di e dia.

Bo ta sinti indiferente.

Esaki no ta pasobra bo no ta worry cu bo amistadnan. E no ta paso bo no ta worry tocante locual ta pasa rond di bo. Bo ta, di cierto forma, riba algun nivel. Pero bo depresion ta haci'e dificil. Tur cos ta bashi. Aunke bo tawata desea cu nan no tawata ta.

Bo ta actua manera tur cos ta bon.

Esaki ta pasobra kisas bo no ta cla pa un hende puntra bo con ta cu bo. No ta tur hende sa con pa responde riba depresion. Tin ta flip. Tin ta actua manera e ta algo cu ta pega. Por ta bo ta djis purbando di sobrevivi y bo no kier pa esey ta un espectáculo publico of un redo y pa es motibo ey bo ta haya bo ta bisti un "mascara" conscientemente.

Hopi biaha bo por ta pasando den un episodio di depresion y tin asina hopi hende rond di bo cu no tin idea con pa yuda. Por ta nan no ta ni comprende kico bo ta pasando aden. De hecho, tin hopi chens cu nan por haci cos pio door di purba yuda. Nan simplemente no ta comprende. Corda cu bo no por tuma nan na malo, maske den e momentonan dificil, esaki ta lo menos cu ta importa bo. P'esey ta importante pa bo duna nan un chens pa wak locual ta pasa den bo mente. Laga hende yega cerca di bo por ta dificil pa bo pero bo mester sikiera purba.

Nunca subestima e poder di positividad ora bo ta trata cu depresion. Hendenan positivo rond di bo por inspira bo, motiva bo y recorda bo di ken bo ta, di bo forsa interno. No ta tur hende por deal cu esaki si dependiendo den ki fase di depresion bo ta.

Tin biaha bida ta maltrata bo, pero tardi of trempa bo lo realiza cu bo no ta simplemente un hende cu a sobrevivi momentonan dificil, pero bo ta un guerero y bo ta mas fuerte cu cualkier cos cu bida tira den bo caminda. Tene fe den bo mes y no perde speranza.



YAMA

Pa conseho

SI BO TA SOSPECHA

**ABUSO OF
NEGLIGENCE**

DI MENOR



MELDPUNT NACIONAL

BUREAU SOSTENEMI

TELEFON

588-1010

YAMADA TA GRATIS Y TA KEDA ANONIMO



GOBIERNO DI ARUBA





MINISTER ANDIN BIKKER

MINISTER di Husticia, Seguridad y Migracion

Minister di Husticia mr. Andin Bikker:

DIAHUEBS MERDIA A RICIBI NA SU DESPACHO CHIEF ROBERT COYNE DI FIRE ACADEMY OF THE SOUTH/FLORIDA STATE COLLEGE JACKSONVILLE



Manera ta conoci Minister di Husticia a bin cu training special pa brandweer Aruba mantene su ICAO rating. Sr. Coyne tabata esun cu ta ricibi e personal di brandweer durante nan estadia y training na Jacksonville. Awor cu Sr. Coyne a baha cu pensioen el a bin Aruba pa saluda tur na Brandweer y tambe cera conoci cu Minister Bikker kende a gradici Sr. Coyne pa su trabou y atencion.

Ya caba a manda shete grupo Jacksonville Florida pa nan sigui nan training specialisa y certifica pa mantene e rating di brandweer na aeropuerto. Riba e foto por mira di robes pa drechi Sr. Orlando Arends, Sr. Robert Coyne, Minister di Husticia mr. Andin Bikker y comandant Sr. Eduard de Cuba.

MINISTER BIKKER CUMPLIENDO CU SU PLAN DI GOBERNACION CONFORME PRESUPUESTO PRESENTA NA PARLAMENTO

Un Minister tin su Beleidsvoornemens nan segun Minister di Husticia mr. Andin Bikker. Cu e Beleidsvoornemens ta bay Parlamento y den e Memorie van Toelichting pa loke ta trata e presupuesto, ta splica Parlamento pakico ta pidi aprobacion di Parlamento pa e presupuesto. Den e ocho aña cu Minister Bikker tabata den Parlamento e tabata señala cu e Minister di Husticia anterior ta entrega seis pagina pa splica pakico Parlamento mester duna su Ministerio aprobacion di 200 milyon. Segun Minister Bikker, el a cambia esey automaticamente ora el a bira minister y na 2018 e tabatin como 30 pagina di splicacion pakico e ta pidi Parlamento aprobacion pa loke ta trata presupuesto di su Ministerio.

Awor cu a yega midterm cu ta dos aña di gobernacion, Minister Bikker a repasa no solamente kico el a pidi Parlamento aprobacion pe, pero tambe kico su Ministerio a logra. Un di e metanan di e mandatario, ta pa logra pone mas visibilidad di KPA riba caya. Pa esaki a pone decenas di auto nobo di polis cu a reemplaza e bieu y tambe pa otro departamentonan. Brommer di polis, a inverti den 10 brommer di cual ya caba tin tres cu a yega. Tambe a bisa cu lo bin cu surveillance di helicopter y Aruba tin surveillance di helicopter. E helicopter lo ser bandera di Colombia pa Aruba y lo spuit e ful den color di polis cual lo bay wordo inaugura aki un par di dia. Momento cu turista mira un helicopter di polis ta patruya, e ta haya e sentimento di seguridad y special ora un pais ta depende di e industria di turismo. E sentimento di seguridad ta 'priceless' y importante segun Minister Bikker.

Pa locual ta trata cuido di frontera, Minister Bikker a bisa cu lo bin cu un sistema di Radar nobo y ya caba e radar ta na caminda. Poco siman atras a haci inauguracion pa construccion di e infraestructura pa e mast nan pa instala e radarnan cu ta yegando. Den cuadro di Tourism Oriented Policing, TOP, Minister Bikker a bin ta bisa pa bin cu un oficina den e area turistico pasobra e por a corda cu den pasado bou di e Minister di Husticia anterior, tabatin atraconan cu a yega di tuma luga den e area turistico. Un par di siman pasa a habri un oficina netamente central riba LG Smith Boulevard.

Tambe Minister Bikker a bisa cu kier duna bek e autoridad na KPA pa yuda cu control di frontera cu ta ehecucion di LTU. Actualmente ta haciendo esey unda 400 ambtenaar di KPA desde aña pasa Juli. For di tempo cu nan a haya autoridad a haya mas y mas persona indocumenta cu a keda deteni y hiba Guarda nos Costa pa ser deporta. Minister Bikker tambe a anuncia cu a bin cu un Taskforce pa reenforza e analisis pa loke ta trata Aruba su fronteranan.

Tambe a institui NCTVI cu ta concentra su mes riba crimen cibernetico pa asina anticipa riba e cambio den mundo riba desaroyo di criminalidad pa loke ta trata seguridad di pueblo di Aruba y e bishitantenan. Crimen contra integridad di menor, Minister Bikker a bisa cu na 2016 e propio presidente di Parlamento di e fraccion berde di e tempo ey, a constata den un rapport cu e Minister di Husticia di e tempo ey, no a haci



net nada riba esaki. E gobierno aki a caba di presenta un ley na Raad van Advies dos siman pasa caminda ta bay hisa e castigonan contra crimen di menor y cu varios otro cambia na bienestar di e victima.

Encuanto un instituto Coreccional nobo ta bay cuminsa cu e proceso di Request of Expression of Interest y pronto cu Dios mediante por yega na un KIA nobo. Enkelband tambe lo bin cu nan y pa esaki a cuminsa cu un Request of Expression pa loke ta toezicht electronico. Pa un par di siman esaki ta andando segun e mandatario y pa fin di augustus e lo termina. E enkelband ta pa evita cu personanan por huy of ora nan sali liber condicional y evita cu nan ta yega cerca di e victima. E enkelband ta pa controla unda nan ta bay. Tambe por uza e enkelband cerca personanan indocumenta pasobra pa dia polis ta detene como 10 pa 15 persona mientras e espacio di detencion cu Aruba tin actualmente ta limita pa 80 persona segun Minister Bikker. Ta duna nan meldplicht pero despues no ta wak nan mas. E momento cu ta cla pa deporta e persona, e enkelband ta un opcion pa gara e persona si e no presenta pa su deportacion.

MINISTER ARMANDO LAMPE

Minister di Enseñansa, Ciencia y Desaroyo Sostenibel



OIA OF THE UNIVERSITY OF ARUBA HAD A SHARING KNOWLEDGE AND EXPERIENCE FEEDBACK SESSION ON THEIR UPCOMING ERASMUS EXCHANGE

Today the Office of International Affairs (OIA) had a sharing knowledge and experience feedback session. It was very informative and the students are now evermore excited for their upcoming Erasmus Exchange.

The returned students provided useful tips about housing, transportation, cultural information, clothing, nightlife and food. They shared their experience and all the friends that they have made.


They expressed about the courses they took, different teaching styles and organization of the host University for the international students.

The office of international affairs is satisfied with the information that they provide and want to wish all the students that are going all the best during their exchange.



2019 | AÑA DI FAMIA Y CUIDO DI MUCHANAN.

*Prioridad pa
Gobierno di Aruba
ta pa haci central
e cuido y desaroyo di
nos muchanan na
scol!*





Washington Internship Opportunity Application Deadline 18 August 2019

The intern must be a master student or a 3rd year bachelor student and must be enrolled at a university for the entire duration of the internship.

For more information, click the link or contact ويا@ua.aw



University of Aruba

FUNDACION CHICO HARMS, CENTRO DI BARIO BRAZIL ARUBA Y COMISION ELECCION DI REINA Y PARADA FOLKLORE- CULTURAL ARUBA 2019

TA PRESENTA:

Actividadnan Cultural Celebracion Dia di Brazil

Diadomingo 11 di Augustus

Apertura di Celebracion Dia di Brazil cu:

Parada Acustico

Saliendo di Misa Cristo Rey pa Centro di Bario Brazil

2:00 pm te 3:00 pm.

Fiesta Tipico

Centro di Bario Brazil Aruba.

3:00 pm te cu 8:00 pm.

Diasabra 24 di Augustus

Eleccion di Reina: Baby, Chikitin,
Prenda, Damita, Dama, Gran Dama,
Dama Grandi y Pilar Cultural.

Centro di Bario Brazil Aruba.

6:00 pm te cu 12:00 am.

Diadomingo 1 September

Santo Sacrificio di Misa

Misa Cristo Rey.

9:00 am.

Bario Fest

Centro di Bario Brazil Aruba

10:00 am- te cu 2:00 pm.

Grandioso Parada di Brazil

3:00 pm te cu 9:00 pm.

Diabierna 30 Augustus

Parada cu Lanterna

7:00 pm te cu 10:00 pm.

Diasabra 7 di September

Clausura Dia di Brazil
Show Multi - Cultural.

Centro di Bario Brazil Aruba.

8:00 pm te cu 11:00 pm.



Ruta di Paradanan: Sali di Centro di Bario Brazil, pasa caya Bernadina Growell,
ta bay Noord Cura Cabay, Rooi Koochi despues ta drenta Mabon
y ta termina na Centro di Bario Brazil Aruba.

ANUNCIO

Entrante
12 di augustus 2019,
e biyetenan biew
ta sali for di circulacion
y lo no por wordo uza mas
pa haci pago.
Despues di
12 di augustus
por paga
solamente cu nos
Florin nobo!



BUREAU
Multifunctionele
Accommodatie



Invitacion

Banco Central di Aruba (BCA) ta invita publico en general pa asisti na un sesion informativo relaciona cu e serie nobo di e biyetenan di florin 2019 cu lo tuma lugar riba e siguiente fechanan:

- **MFA Noord: Diamars, 13 augustus 2019 (6:00 PM – 8:00 PM)**
- **MFA Santa Cruz: Diahuebs, 15 augustus 2019 (6:00 PM – 8:00 PM)**

Durante e sesion aki BCA lo duna splicacion detaya con pa reconoce nos biyetenan di florin 2019 pa medio di e caracteristicanan di siguridad riba e biyetenan. Tambe lo distribui diferente material promocional y lo elabora riba e fechanan importante relata na e circulacion di nos biyetenan di florin 2019.



GOBIERNO DI ARUBA

MINISTER DI FINANSA, ASUNTONAN ECONOMICO Y CULTURA
XIOMARA RUIZ-MADURO

STANDARD & POOR'S

TA HISA ARUBA SU RATING DI NEGATIVO PA **STABIEL!**

E compania di rating S&P ta reconoce e cambio y esfuerso di Gabinete Wever-Croes pa recobra credibilidad financiero di Aruba y ta hisa e rating di nos Pais di negativo pa stabiel. Esaki sigur ta un noticia hopi positivo pa Aruba riba e mercado internacional. E rating aki ta brinda inversionista y confiansa den Aruba y ta afirma cu Gabinete Wever-Croes a scoge un rumbo corecto pa atende cu finanzas publico di nos Pais. Danki na tur persona y instancia cu a atende cu e evaluacion reciente di S&P na Aruba.

**Tur trabou duro y esfuerso di full un Pais,
awe ta wordo recompensa.**

GABINETE WEVER-CROES



GOBIERNO DI ARUBA

UN
*Feliz Fin
di Siman*
E MOMENTONAN MAS IMPORTANTE
TA CU FAMILIA